



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cornelii Jansenii Iprensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

Sect. V. Semi-Pelagianorum error ex Cælestini rescripto refulget.

urn:nbn:de:hbz:466:1-39351

DE PROPOSITIONE IV. 387

Respondeo id nîl referre , quia Ecclesiastica disciplina aliquandò substringitur & paulisper dormire permittitur , dum multitudo & errantium & peccantium obviat , & aliâ viâ spes resipiscientiæ affulget , nimirum per Scripta Doctorum & hortamenta Sanctorum , ut ipse Augustinus observat , & docet Aurelium Carthaginensem . Præterea oportebat tantorum judices errantium virorum plenius informari priusquam damnarent : & à Communione removerent . Sed quia Celestini fecimus mentionem , ex illo etiam , quæ fuerint in Semi-Pelagianis ab eo correcta dispiciamus , ut errorem ipsum penitus assequamur .

S E C T I O V.

*Semi-Pelagianorum error negantium
interioris Gratiae necessitatem ex
Celestini Papæ rescripto refulget.*

Sanctus Celestinus Papa in Epistola ad Episcopos Galliæ non modò comprimit temeritatem Augustini Doctrinam criminantium , sed insuper eorum ingenium erroresque oculis objectat , quos cupit juxta Prædecessorum contrà Pelagianos sancita correctos . Nonnulli , inquit , qui Catholico nomine gloriantur , in damnatis autem Hæreticorum sensibus seu pravitate sive imperitiâ demorantes piissimis disputatoribus obviare presumunt . Ut autem ab errore resipiscant , indiculum Sanctionum contrà Pelagianum virus summittit . Quod utique non faceret , si à Pelagianorum semitis deviarent admittendo necessitatem gratiæ interioris ad initium fidei ac bonæ voluntatis , quam illi contentiosissimè ac perti-

B b 2

na-

388 LIBER QUINTUS

nacissimè pernegârunt , exceptâ lege , Doctrinâ revelatione. itâque

Celestius
Papa e. 3.

cap. 8.

cap. 9.

cap. II.

Primò : declarat Pontifex : *Nemo nisi per Christum libero bene utatur arbitrio.* Quod confirmat authoritate Innocentii I. ad Concilium Milevitani rescribentis.

Secundò Cap. 8. *Quod omnia studia ad Dei gloriam sint referenda : quia nemo aliunde ei placet , nisi ex eo quod ipse donaverit.* Quod confirmat Authoritate Zozimi Papæ.

Tertiò : *Quod Sancta cogitatio , pium consilium , omnisque motus bona voluntatis ex Deo sit , quia per illum aliquid possumus , sine quo nihil possumus.* Confirmat eadem Authoritate.

Quartò ; *Quod Patres piissimè docuerunt pestiferâ novitatis elatione dejectâ , & bona voluntatis exordia , & incrementa probabilium studiorum , & in eis usque in finem perseverantiam ad Christi gratiam referre.*

Quintò : *Ut omnium bonorum affectuum atque operum , & omnium studiorum , omniumque virtutum , quibus ab inicio fidei attenditur , Deum esse Authorem , & non dubitemus ab ipsius gratia omnia hominis merita præveniri , per quem sit , ut aliquid boni & velle incipiamus , & facere.*

Ex his quis non eliciat , Semi-Pelagianos cum Pelagianis consensisse ? Pontifex enim declarat eos in damnatis hereticorum sensibus demorari , nimirum Pelagianorum , contrâ quos Sanctiones illæ Apostolicæ promanârant. Non erant Participes eorum in peccati originalis inficiatione , non in negatione gratiæ necessariæ ad vincendas tentationes , ad sapientiam & patientiam ; ergo ex eo , quod pia studia , consilia , fidei primordia ad solas liberi arbitrii vires referrent , quod sine Christo bene quis libero uteretur arbitrio , credendo , petendo , pulsando . Si namque sine Christi gratiâ nos credere & peteré

DE PROPOSITIONE IV. 389

petere posse non credidissent, ad illos non pertinuit: *Quod nemo nisi per Christum liberò benè uititur arbitriò.* Hoc ultrò dediscent, qui Christi gratiam necessariam esse non ambegissent, respondissentque Celestino: nos contrà Pelagianos Christi gratiam ad singulos actus interiorem necessariam esse admittimus, nos gratiam sive meritis naturæ concedimus, nos omnem pium motum etiam fidei primordium divinæ gratiæ indigum concedimus, nos gratiam sive quâ nec homo sanus stare potuit, infirmo & lapsu non invidemus. Ut quid ad Pelagianorum erronea placita ablegas, qui tam longâ sensuum intercapidine à pestiferis damnatisque Pelagianorum novitatibus dissidemus, & damnata in illis pariter damnamus? De efficaciâ tantum gratiæ, non de necessitate concertatio nostra fervet.

SECTIO VI.

*Sententia Semi-Pelagianorum uberioris
panditur per S.S. Prosperum & Hilaryum
S. Augustini de illâ informatores.*

Antè omnia S. Prosper se metuere significat Augustino, *Ne tam claris, tamque egregiis in omnium virtutum studio viris spiritus Pelagianæ impietatis illudat.* Dein quid sentiant Massilienses de initio fidei, expromit.

*S. Prosper
ad Aug.*

Primo, *Omnem hominem ad credendum, & ad operandum divinis institutionibus admoneri, ut de apprehendendâ vitâ aeternâ nemo desperet, cum voluntariæ devotioni remuneratio sit parata.*

Itaque, quantum ad Deum pertinet, OMNIBUS PARATAM VITAM aeternam, quantum autem ad arbitrii libertatem, ab his eam apprehendi, qui Deo

B b 3 *spontē*